

'Sëédhë -blæzë  
'ö Pɔlö -ya bɔ  
Yesu -wun -dhë 'wun  
gia- -mɛ -nu 'wo  
Tesalɔnikö  
plöö -an -dhë bhë 'ö =nɛ

**1** <sup>1</sup>Sëédhë =nɛ, ma Pɔlö 'dhö, Timote 'dhö, Siliven 'dhö, 'yi- bɔ -Zlan -bha mɛ -nu, 'ka -klu -sü 'ka -Zlan 'ö kwa Dë 'ka waa- Yesu Klito 'ö kwa Dëmɛ 'ka -an -bha, 'ö 'ka Tesalɔnikö plöö ka -dhë.

'Glusë waa- zuöyagluu 'ö go -Zlan 'ö kwa Dë 'ka waa- Yesu Klito 'ö kwa Dëmɛ 'ka -an 'piö, -yö kè ka -gɔ!

**Tesalɔnikö -mɛ -nu wɔ -kɔ waa- -an -bha -zo -yö -Zlan -bha -sü**

<sup>2</sup>Ya kè yi -bhea' -na -Zlan -dhë, yi -zo -yö -büö ka -wun 'ka -dhekpaɔyi 'plɛ 'ka, 'ö 'yi -Zlan zuö pö yi 'saadhö 'ka mɛ 'plɛ ka -wun 'gü. <sup>3</sup>Bhii -ya kè -nu wo, kwa Dë -Zlan wöödhö, yi -zo -yö -büö ka -bha -Zlan -bha yuö kè -kɔ 'ö -zo yö -sü 'ka, waa- ka -bha -Zlan -dhɔ kè -sü 'iin ka -bha -dhɔ -kè 'kuë -sü 'ö -ya ka kè -faanzë -Zlan -bha yuö 'gü bhë -a -wun 'gü. 'Go mü 'zü, ka -bha -zo yö -sü 'ö -kè =nɛ kwa Dëmɛ Yesu Klito -dho yɛ ö 'zü bhë -yö ka -dɔ -sü 'ka kpinngdhö.

<sup>4</sup>Dhegluzë -nu, yi- 'wun -dɔ =nɛ, ka -dhɔ -yö -Zlan -kè. -A -wun 'gü 'ö ka sü 'kpongtaame -nu ziën kö 'ka kè -a -bha 'ka bhë. <sup>5</sup>Bhii 'ö tɔɔ 'wuntaɔsë 'ö -gban Yesu -wun -bha bhë, -lo 'yi- woë ka =plöö 'ma bhë, yaa kè 'wun -blæ' -wo 'kpaan 'ka, 'kɛɛ pè 'ö- 'gü -pè -yö -kè ka =zuö' 'gü 'piigbeedhë 'ka yö mü

'dhō, -Zuu 'ō go -Zlan 'piō bhē -a -bha -nu yi -dhē -sü 'ka. 'Ö kē- wo 'dhō bhē 'pō 'ō -kē 'wun bhē -a -bha -ya yi -zuō' 'piō kpinngdhō -sü -wun 'gü.

Ka -de, ka- 'wun -dɔ -nɛ, yi -bha wɔ -kɔ 'ō 'yi -kaa' ka ziēn 'ma bhē, -yō -kē ka -bha 'wun -sē 'ka.

<sup>6</sup>'Wun -zuan' -sē 'ō 'yi- -zɔn ka -dhē 'ō kwa Dēme 'ta -kɔ 'ka bhē, ka -ziō -a 'piō; -wo bhē 'ka- kun =zuōgludhi 'ō go -Zuu 'slōōslō 'gü bhē -a 'ka, 'kɛɛ kö 'tōng bhē -a 'ka, ka -kē bɔ =dhia 'wun 'gbee- -nu 'gü. <sup>7</sup>-A -kē 'dhō -sü 'gü, 'ka kē 'wun -zuan' -sē 'ka, -Zlan -bha mɛ -nu 'kpekpe 'wo Maseduanē -sɛ 'gü waa- -an mɛ -nu 'ō 'wo Akai -sɛ 'gü -an ziēn.

<sup>8</sup>-Kɔ bhē -nɛ 'ō kwa Dēme -wo bhē 'ō bɔa ka 'gü, 'ō mɛ -nu 'wo Maseduanē -sɛ waa- Akai -sɛ 'gü 'wo- yō -a 'ka giagia 'ka. 'Kɛɛ -a 'dhiō yaa 'to bhē. Ka -bha -zo -yō -Zlan -bha -sü 'ō bhē -a -taɔ =ya sa -dhɛ 'plɛ 'gü. -A -wun 'gü, -a 'bhaa -nu =ya kē yi -bha -wun 'yaa- -bha 'zü kö 'yiēn- -a -wun =blɛɛ' -zlōō mɛ -nu -dhē. <sup>9</sup>Yi -nia bun -kɔ 'ō 'ka- wo 'tōng 'ō 'yi- -kē ka 'piō mü bhē -a 'ka bhē, mɛ 'plɛ -wa -tɔmɔdhɛ -kē. 'Ö -kɔ 'ō 'ka ka -bha gɔapɛ -nu toē, 'ō 'ka ka -ta yōē -an -bha, 'ō 'ka =dhiē -Zlan 'piō kö -Zlan 'bhee- 'ō -Zlan giagia 'ka bhē 'ka- -bha yuō kē, -wa 'plɛ -tɔmɔdhɛ -kē 'pō. <sup>10</sup>'Go mü 'zü, -Zlan 'ō bhē -a Gbō Yesu, 'ō- bɔ ga 'gü, 'ō kwa bho -a -bha -naadhɛ 'ō dho nu -a -gɔ bhē, ka ka 'yan -to -a -bha -yɛ 'zü -yi 'ō dho goē dhang- 'gü bhē -a -gɔ.

### Polō -bha yuō 'ō- -kē Tesalōnikō -sɛ 'gü

**2** <sup>1</sup>Ka -de gia-, ka- 'wun -dɔ, dhegluzē -nu, yi -bha -nu ka 'piō 'ma -sü 'ō bhē yaa kē 'kpaan. <sup>2</sup>Ka- 'wun -dɔ, -wo yi 'klo -bhɔ Filipō 'yiē -tun -lo -na ka =plōō Tesalōnikō.

'Yō -dhɛ 'yi -wo ka -sɛ 'gü, 'wo -nu yi -gɔ 'gbee- 'ka 'zü, -a pō -sü 'ka -nɛɛ kö -kun 'yi -Zlan -wo pō. 'Kɛɛ -Zlan -yō 'gü -dɔ 'gbee- -sü -nu yi -dhē, 'ō 'yi 'wuntaɔsɛ 'ō -gban dhasü 'ō go -Zlan 'piō -a -bha bhē, 'yi- -wun =blɛɛ ka -dhē. <sup>3</sup>'Kɛɛ yi -bha -Zlan -wo =blɛɛ' -sü bhē 'yaa -gban 'wun =zaa' -sü 'iin pē -nu 'waa kpengdhō -an -bha. 'Go mü, yiēē- kē kö 'yiēn- mɛ -nu -piü. <sup>4</sup>'Kɛɛ 'wun 'kpekpe 'ō 'yi- =blɛɛ' -na zō bhē 'wun 'ō -Zlan gia- -yō -we -a -bha =zian' yō -mü. Bhii 'ō tɔɔ -a -de gia- =zuō' 'glu -yō -dhi kö 'wun -nu 'ō -gban 'wuntaɔsɛ 'ō -nɛ -a -bha, kö -ya -wun -lo yi kwɛɛ kö 'yi- =blɛɛ' -mɛ -nu -dhē. -A -kē 'dhō -sü 'ka, yiēē- =mɛɛ' -kö 'yiēn- kē mɛ 'bhee- -nu -dhē -sē, 'kɛɛ yi- =blɛɛ 'dhō -zian' kö 'yi kē -Zlan -dhē -sē; bhii yō -nɛ 'ō yi -zuō' 'piō -wun 'plɛ dɔ.

<sup>5</sup>Ka- dɔa -sē 'ka -nɛɛ: Mɛ -dian kē -wo yaa bɔ yi 'dhii do yiēē- =blɛɛ'; 'ō yi -bha 'wun =blɛɛ' -sü 'gü, 'wëü- yō -sü -dhɔ 'ō bhē, yiē- 'slɛ kē. -Zlan -de -yō 'wun -nu 'wo bhē -an 'plɛ -tɔmɔ 'ka. <sup>6</sup>=Bhlē 'ō go mɛ 'bhee- -nu 'piō yiēē- =mɛɛ' -ka 'gü, 'iin mɛ 'kpaan gbe -nu 'wo to -an 'gü. <sup>7</sup>=Ya kē -nɛ yi- -mɛɛ -bezē, yi dhoē- kē tɔng 'ka 'yi- pō: -Ka yi =bhlē -ya! 'Ö tɔɔ yi -kē Klito -bha bɔmɛ -nu 'ka. 'Tōng 'ō 'yi -kaa' ka 'piō mü, yi -kē 'lëälë ka buēn- =zian',

ö 'yi -kë 'wun -nu -kë ka 'ka -dhia 'lëälë -nɛ -kɔ -ya kë, 'ö dhebo -yö ö -bha 'në -nu kuën -së 'ka bhë -a 'dhö. <sup>8</sup>Ka -dho 'ö yi 'gü bhë -a -wun 'gü, yi -ya yi -zuö' 'piö kö 'yi yi -bha -tosiadhe kë ka -bha 'ka -nɛ -kɔ 'ö 'yi 'wuntaɔsë 'ö go -Zlan 'piö 'yi -nu -a 'ka ka -dhë bhë -a 'dhö. 'Ö tɔɔ ka -wun -yö yi -gɔ 'gbee- 'töng 'plɛ 'ka.

<sup>9</sup>Dhegluzë -nu, ka -zo -yö -büö -nɛ 'töng 'yi -kaa' ka 'piö bhë, yi yuö -kë yi -kwaä' -sëëbhodhe 'ka 'töng 'saadhö 'ka, -yö kë 'dhö kö -kun yi -nia 'gbiin- dho më më 'bhaa 'ka 'töng 'ö 'yi- sü kö 'wuntaɔsë 'ö go -Zlan 'piö 'yi- -blɛɛ'- -a 'ka ka -dhë bhë -a 'ka.

<sup>10</sup>Yi -bha wo -kɔ 'ö- -kë më 'ka -Zlan -wo 'gü ka 'piö mü bhë, -yö -kë -Zlan -bha zian -ta; -yö -kë kpengdhö 'ö 'wun gbe yaa kë -a -bha. 'Wun 'ö bhë, ka- -tɔmɔ 'ka; 'ö -Zlan -de 'pö, 'ö- -tɔmɔ 'ka. <sup>11</sup>Ka- 'wun -dɔ -nɛɛ, -kɔ -nu 'ö 'yi ka kun -a -bha 'ma bhë, -yö -kë -nɛ -kɔ 'ö 'në dë -yö ö -bha 'në -nu kuën bhë -a 'dhö. <sup>12</sup>Yi ka -ta -kun, 'gü -dɔ 'gbee- -sü waa- ka -zuö' -dhuë' -sü 'ka, -dhio -dɔ ka -dhë -sü 'ka, -a -pö ka -dhë -sü 'ka -nɛɛ: -Ka 'ta 'sü -Zlan -zo 'kun -wun 'ka! Bhii -Zlan -yö ka -dhe ö -bha -gludédhe waa- ö -bhlë -ya -sü -wun 'gü.

<sup>13</sup>Yi -Zlan zuö -pö 'töng 'plɛ 'ka 'wun do 'bhaa -wun 'ka; 'ö tɔɔ -dhe 'ö 'yi -Zlan -wo -blɛɛ ka -dhë, kaa -dhe -ga yi -bha -kë më 'bhee- 'ka -sü 'piö, 'kɛɛ ka ka 'to -to -wo 'yi- -blɛɛ bhë -a -bha 'ö 'ka- -gɛn ma; 'ö 'ka- dɔ giagia 'ka -nɛɛ: -Zlan -wo -mü, 'ö 'ka- sü ka -bha 'ka. -Yö 'dhö; -wo 'ö 'yi- -blɛɛ ka -dhë bhë, -Zlan -wo giagia -mü. Bhii 'ö tɔɔ -wo 'ö bhë -yö yuö kë -sü 'gü më -nu 'ö 'ka -Zlan -wo -dhe 'wun gia- bhë, ka -zuö' 'piö. <sup>14</sup>-A pö 'a- wo 'dhö bhë 'ö tɔɔ, dhegluzë -nu, -kɔ dosen 'ö -Zlan -bha më -nu -dho 'kuë- -sü 'wo Zude -sɛ 'gü 'ö 'wo -klu -sü 'ka Yesu Klito -bha, 'wo bɔa 'wun -nu 'gü bhë, 'yö 'ka- wo bhë 'pö. 'Ö tɔɔ ka -saan ka -bha 'següme -nu 'dhiö -nɛɛ -kɔ do 'ö 'wo -saan -a 'ka Zuifö -nu 'dhiö bhë -a 'dhö. <sup>15</sup>Zuifö -nu 'wo bhë, wo -nɛ 'wo kwa Dëme Yesu zë. -An 'bhema -nu -nɛ 'wo -Zlan -wodhiölome -nu zë -an -bha 'töng 'ka. Wo do 'wo bhë 'zü -an -suu'- -ta -nu -nɛ 'wo yi 'klo bho -na -nɛ. -An këyuö 'ö bhë 'yaa -Zlan -zuögludhi -wun 'ka. -Wo -kë 'zü më 'kpekpe yaagüme 'ka. <sup>16</sup>-Wa 'slë -mɛɛ kö -wo yi 'dhi 'kun, dhasü -wun 'ö bhë -a -blɛɛ më -nu 'ö 'waa Zuifö 'ka -an -dhë -sü -wun 'gü. 'Wun yaa -nu 'wo- -kë -a züdüyi 'ka 'ö dho 'ö yöë -dɛɛ -bha bhë, 'wo- -takpatoodhe kë -na bhë; 'kɛɛ -Zlan -bha -naazuédhe -ya 'dho -an -ta 'saadhö.

### **Pɔlö -ya 'piö 'zü kö 'ö -kpën Tesalɔnikö -mɛ -nu -bha 'zü -dëüwo**

<sup>17</sup>Dhegluzë -nu, -a 'töng 'bhaa -ya ziö kwaa kë kwa 'ko -nu 'piö kwa 'sɛbun 'gü; 'kɛɛ yi -zo -yö ka 'piö 'töng 'plɛ 'ka. -Kpën ka -bha -dëüwo -sü -yö yi -zuö' pa -sü 'ka giagiawo. Pë 'ö -kë 'ö 'yi- 'slë -mɛɛ' -na -kɔ 'plɛ -ta kö 'yiën- nu ka 'piö 'ö bhë. <sup>18</sup>Yi- 'piö kö 'yi 'yɛ yi 'zü kö 'yi nu ka 'piö 'ma 'zü do. Ma Pɔlö -mɛ -zë, a 'slë -mɛɛ -plëëzë 'ka kö 'aan- nu ka 'piö, 'kɛɛ Satan -yö zian -ta yi -gɔ. <sup>19</sup>A- -pö ka, n 'ka- pö më gbe; ka dosen 'kpaan -nɛ 'ka

tɔɔ yi -zo -yö -an -bha -mε waa- yi -bha -zuögludhi -wun. Ka -kè 'zü yuö -nu 'ö yi- -kè ka ziën -to -a 'gbee- 'ka -sü 'ka bhè -a -truën 'ö kwa Dème Yesu nu 'töng 'ka 'ö dho yi -gen kè =vava -a wöödhö -a 'ka. <sup>20</sup>-Ii-, -yö 'wun giagia 'ka -nε ka -nε 'ka dho yi wö po, 'ö 'ka dho kè yi -bha -zuögludhi -wun 'ka yi bhè -a 'ka.

**3** <sup>1</sup>-Dhε 'ö -nu ka 'piö 'ma -sü 'ö bhè, 'yi- -zian -mεε 'ö yaa -mɔ 'kuè, 'yi- pö: «-εε, -kwa 'to Atenè zö -klöödhö, 'yaa ya 'pö.» <sup>2</sup>Kεε kè- wo 'dhö bhè 'yiè Timote -zè bɔ ka -dhè 'ma. Yö -nε 'ö tɔɔ dheglu -mε 'ö yi -nu 'plε 'yi -Zlan -bha yuö kè -na 'wuntaɔsè 'ö -gban Klito -bha -a -blεε mε -nu -dhè -sü 'ka bhè; 'yi- -bɔ ka -dhè kò -yö ka =faan' 'mè 'iin kò -yö nu ka -dhè, 'gü -dɔ 'gbee- -sü 'gü, -zo -yö -Zlan -bha -sü 'gü, <sup>3</sup>-yö kè 'dhö kò -kun 'ö mε gbε -yö -kè 'gü ga -mε 'ka, 'wun 'gbee- -nu 'wo- wɔ -na kwa -ta bhè -a 'gü. Ka -de gia-, 'ka- -tei' dɔ, 'wun -bha -wɔ kwa -ta -kɔ =suu' 'ö bhè -Zlan -de gia- -nε 'ö -dhi -a -dhè kò -yö nu kwa -ta 'dhö. <sup>4</sup>Kè -de 'ö- wo bhè, =dhε 'yi -tun ka 'piö 'ma kò 'wun -nu 'wo -nε waa kè -kun, yi -kè -a pö -sü 'gü ka -dhè -nεε: -Wo -dho 'wun wɔ kwa -ta. -Kɔ giagia 'yi- -blεε -a 'ka bhè 'ö- -de -yö -kaa' bhè; 'ö bhii ka 'yaan 'ka -wun -mü. <sup>5</sup>Pè 'ö -kè, =dhε 'ö n 'ka nu 'ma gbɔ bhè 'a- yö zlöö -sè kò 'a Timote bɔ ka -dhè kò -yö -naɔ -nu 'ö -gban ka -bha -zo -yö -Zlan -bha -sü -bha 'ö dho goè ka 'piö kò -yaan =blεε' -n -dhè 'ö bhè. =Dhε -naɔ -nu 'ö go ka 'piö 'ö n 'ka- ma -kun, 'suö -yö -kè n -ma -nε dü -yö 'dhoè- ka -piüö 'ö tɔɔ -Zlan -bha yuö 'ö 'yi- -kè ka 'piö 'ma bhè -yö -dho -a 'gü -siö'.

<sup>6</sup>Kεε Timote 'ö go ka 'piö 'ma, =ya -lo yi -ta zö, -naɔsè 'ö go ka 'piö 'ö -gban ka -bha -zo -yö -Zlan -bha -sü waa- ka -bha -dho 'ö 'ka- -kè ka 'kuè- bhè =yaa- 'plε =blεε' -yi -dhè. -Ya -pö yi -dhè 'pö -nε ka -zuö' yaa bhɔ yi 'ka, ka -zo -ta yi -wuën -sü 'gü, -dho giagia 'gü. -Kɔ do 'ö 'ka -ya -sü 'ka- =wuën' kò 'kwa -kpèn kwa 'kuè bhè -nε 'ö yi -gɔ 'nö 'pö. <sup>7</sup>Dhegluzè -nu, -kɔ bhè -nε 'kò -kè -nε -zuökaankuédhe waa- -saan' -nu -wo -nu yi -ta 'dhee, 'ö 'gü -dɔ 'gbee- -sü -yö -kè yi -gɔ. 'Kεε kè- wo 'dhö bhè ka -bha -zo -yö -Zlan -bha -sü bhè -nε 'ö yi -faan' mè. <sup>8</sup>Bhii dɔ 'kwa- wo -nε, yi -faan' =ya 'mè 'zü -dèüwo ka -bha -klu kpinngdhö -sü 'ö kwa Dème -bha bhè -a -wun 'gü. <sup>9</sup>Yi kwa -bha -Zlan zuö -pö -duö, =zuögludhi =va 'ö 'ka- nu yi -dhè kwa Dème wö 'dhiö bhè -a -wun 'gü. <sup>10</sup>Töng 'saadhö 'ka, yi- -dhε -Zlan -gɔ =naa' 'ka kò -yö 'we -a -bha kò 'yi -kpèn ka -bha 'zü -dèüwo, -yö kè 'dhö kò pè -nu 'ö- -wun -yö ka -kè, -zo -yö -Zlan -bha -sü 'gü, kò 'yi- nu ka -dhè.

<sup>11</sup>Yi- -dhε -Zlan -de gia- 'ö kwa Dè 'ka waa- kwa Dème Yesu -an -gɔ kò zian 'ö nu ka 'piö, -wa 'po yi -gɔ kò 'yiën- -wo ka 'piö 'ma. <sup>12</sup>Yi- -dhε 'pö kwa Dème -gɔ kò -dho -kè 'kuè -sü waa- -a -dho -kè mε 'plε 'ka -sü 'ö ka ziën bhè -wo -kpea', -wo 'dho 'dhiö -kplawo. Yi- -dhε kwa Dème -gɔ 'zü kò -dho -kè 'kuè -sü 'ö ka ziën 'ma waa- ka -dho 'ö yi 'gü 'nö 'pö, kò -an 'plε -wo kè do. <sup>13</sup>-Ya kè 'dhö kwa Dème -yö -dho ka =faan' mè 'ö pè yaa 'kpekpε gbε 'ka 'dho kè ka -bha; kò 'kaan- kè kpengdhö kwa Dè -Zlan wö 'dhiö, kwa Dème Yesu waa- ö -bha mε -nu 'kpekpε -an nu -yi 'ka.

## 'Ta 'sü -kɔ 'ö -Zlan -zuö' 'glu dhi

**4** <sup>1</sup>Dhegluzë -nu, 'ta 'sü -kɔ 'ö -Zlan -zuögludhi -wun 'ka, 'yi ka -daan -a 'ka bhë, 'ö 'ka -de wo -na bhë. 'Kɛɛ pë 'ö 'yi- -dhe ka -gɔ 'zü yi -zuö' 'plë 'ka kwa Dëmɛ Yesu 'tɔ 'gü 'ö tɔɔ: Ka -bha 'ta 'sü -kɔ -yö kë -së -yö -ziö' -a 'ka -a -blɛɛzë -ta. <sup>2</sup>Tɔng 'ö go kwa Dëmɛ Yesu 'piö 'ö -gban 'ta 'sü -kɔ 'ö bhë -a -bha, 'ö 'yi ka -daan -a 'ka bhë, ka gia- ka- -dɔ. <sup>3</sup>Pë 'ö -Zlan -zo 'kun -wun 'ka 'ö tɔɔ 'ka kë 'slööslö 'ka ka -de dhe 'kan 'wun -gɔ -go zian -sü -zë -nu -gɔ! <sup>4</sup>Kö mɛ 'ö -dhö, 'ö dho dhe -sü, -a -bha ö -de -bha dhe 'sü -kɔ -yö kë -Zlan -zo 'kun -wun 'ka 'iin kö -yö kë -bhlë 'ka. <sup>5</sup>Kö -kun 'ka ka -kwaa ka -de -zü 'ö 'wun yaa kë -sü 'ö -gban 'nuëbɔ -mɛɛ' -sü 'iin -mlaabo 'kun -sü -bha bhë 'ö- -dhɔ -yö dhebɔ 'bhaa 'iin gɔɔn- 'bhaa -kë; kö -kun 'ö 'ka ka -kwaa ka -de -zü 'ö pë -nu -wo -ziö ka 'gü -nɛ -kɔ 'ö mɛ -nu 'waa -Zlan dɔ 'wo- kë -na -a 'ka bhë -a 'dhö! <sup>6</sup>'Wun yaa 'ö bhë -a 'gü mɛ gbɛ yaa 'dho go ka ziën kö -yö za yaa 'sü ö dheglu 'ö -kë Yesu -wun -dhe 'wun gia- -mɛ 'ka -a -bha, -a -bha pë -nu -kun -a -gɔ 'gbee- -ta -sü 'ka! 'Yië 'wun -gban -a -bha 'yië- -blɛɛ' -ka -dhë -duö ka -zo -büö -sü 'ka pinpiindhö -nɛ: Mɛ -nu 'ö 'wun yaa -suu' -bhë 'ö- kë -na, kwa Dëmɛ -Zlan -yö -dho 'wun wɔ -an -ta -a -wun 'gü. <sup>7</sup>-Zlan yaa kwa 'sü kö 'kwaan- kë -sɔɔnkëmɛ -nu 'ka; -yö kwa -sü -zian' kö 'kwa kwa -bha -tosiadhe kë -a 'sɛa- 'gü. <sup>8</sup>-Dhe 'ö 'dhö mɛ -daan' -wo 'ö -gban 'ta 'sü -kɔ 'ö -Zlan -zuö' 'glu dhi 'ö 'yi ka -daan -a 'ka -nɛ, mɛ 'oo mɛ 'ö yaa 'ö 'to 'to -a -bha, kö yaa ö -ta yö mɛ 'bhee- -wo -bha, 'kɛɛ kö -Zlan 'ö ö -bha -Zuu 'slööslö nu -a -dhë bhë -nɛ 'ö ö -ta yö -a -wo -bha bhë.

<sup>9</sup>Ka -bha -wun 'yaa- -bha kö 'wun 'ö -gban -dhɔ -kë 'kuë -sü 'ö -zo -yö -Zlan -bha -mɛ -nu ka ziën kö 'yi- -blɛɛ' ka -dhë 'sëédhe 'gü. -Kɔ 'ö dhegluzë -nu 'ö 'ka dho ka 'ko -nu -dhɔ kaa, -Zlan -de -nɛ 'ö ka -daan -a 'ka. <sup>10</sup>-A -de -kɔ gia- bhë 'ö 'ka 'ta sü -a 'ka, ka dhegluzë -nu, 'ö 'wo Maseduanë -sɛ 'gü 'töüdhö, -an -dhɔ kë -sü 'ka. 'Kɛɛ, dhegluzë -nu, yi- -dhe ka -gɔ 'zü kö 'ka- kë -së, 'ka ziö -a -blɛɛzë -ta! <sup>11</sup>-Ka ka 'gü dɔ 'gbee- kö 'ka -tosiadhe kë -zuöyagluu 'gü! -Ka ka 'yan -klu -zian' ka -de -gɔ 'wun -nu -bha! -Ka yuö kë, kö 'ka ka -de -gɔ -bhöpë -nu yö -nɛ -kɔ 'ö 'yi- -blɛɛ -a 'ka ka -dhë bhë -a 'dhö! <sup>12</sup>-A -kë 'dhö -sü 'gü, ka -dho kë -bhlézë, mɛ -nu 'ö 'waa -Zlan dɔ -an wö 'dhiö, 'ö ka -kwɛɛ- 'gbiin- 'ka 'dho mɛ 'waa gbɛ kë.

## 'Wun 'ö -gban kwa Dëmɛ -bha nu -sü -bha

<sup>13</sup>Dhegluzë -nu, yi- 'piö kö 'yi- pö ka -dhë 'wun 'ö -gban mɛ -nu ('ö 'wo to -Zlan -bha zian -ta) 'ö 'wo ga bhë -a -wun yaa 'dho ka kun, 'ö 'ka -ya 'yena 'gü -nɛ mɛ -nu 'ö -zo yö -sü -nɛ wo -bha mɛ -nu 'wo ga bhë wo 'ka 'dho -an yö 'zü dɔ -a 'dhö. <sup>14</sup>-Zo -yö -Zlan -bha -mɛ -nu, kwa- 'wun -dɔ giagia 'ka -nɛ Yesu -yö -ga; 'ö go ga 'gü. -Kɔ do bhë -a 'ka, kwa- 'wun -dɔ 'pö -nɛ mɛ -nu 'kpekpe 'ö 'wo to Yesu -bha zian -ta 'ö 'wo ga bhë, -Zlan -yö -dho bɔ Yesu -ta 'ö -an bho ga 'gü.

<sup>15</sup>-A pō 'a- wo ka -dhë 'dhö bhë 'ö tɔɔ 'wun do -yö -dhö 'ö kwa Dëme -ya -blëe me -daan' wo 'ka; 'ö tɔɔ me -nu 'ö 'kwa dho to 'bhee- 'kpongtaa, 'töng 'ö kwa Dëme dho nu -a 'ka, kwa 'ka 'dho -da kwa Dëme 'piö me -nu 'ö 'wo to -Zlan 'piö 'ö -wa ga bhë -an 'dhiö. <sup>16</sup>Kwa Dëme gia- -bha -go dhang- 'gü -sü waa- -wo do 'ö dho we -nɛɛ: «-Ka nu ka 'kuëdhö!» waa- -Zlan -bha bɔme -gɔme do -bha -gbla 'gbee- 'ka -sü waa- -Zlan -bha 'truu -bha 'we -sü -an 'ple -dho kë 'kuë- dosen, 'yö me -nu 'ö 'wo to Klito 'piö 'ö 'wo ga bhë 'yö 'wo go ga 'gü -blëezë 'ka. <sup>17</sup>Ya 'go mü 'ö me -nu 'ö 'kwa -zo -yö -Zlan -bha -me -nu 'ka 'ö 'kwa to 'bhee- bhë waa- me -nu 'wo go ga 'gü bhë 'ö 'kwa -lo 'kuë- do, 'yö -Zlan -yö kwa sü kwa Dëme 'piö dha kpö -ta. Kwaa- kwa Dëme -nu 'yö 'kwa dho to kwa 'ko 'piö -toëpö 'ka. <sup>18</sup>-Dhe -kë 'dhö kö -ka ka 'ko -nu -faan' 'më -wo -nu 'wo bhë -an 'ka!

**5** <sup>1</sup>Dhegluzë -nu, ka -bha -wun 'yaa- -bha zlöö kö 'wun -nu 'wo -gban 'töng 'iin -dhekpacyi 'ö pë -nu 'yi- -blëe ka -dhë bhë 'ö 'wo dho kaa bhë kö 'yiën- -a -blëe- ka -dhë 'sëëdhe 'gü. <sup>2</sup>'Ö tɔɔ ka -de gia- ka- -tei' dɔ -nɛɛ: Kwa Dëme -bha zakanyi bhë -yö -dho kan kwa 'gü -nɛ -kwaanme -bha -da me 'piö kɔɔ -sü 'ö 'yaa me -zo -büö 'ö nu gbeng -a 'dhö. <sup>3</sup>'Töng 'ö me 'bhee- -nu 'wo dho -a pö -a 'ka: «-Ya -de 'flëe- 'gü -sü 'töng -ya -lo; 'wun 'gbee- gbe 'yaa 'dhö zlöö gbɔ» -a 'töng gia- bhë 'ö 'güsiödhe dho kan -an 'gü -a 'ka, wo 'ka 'dho dha -a -gɔ. -A -bha -wo -sü -yö -dho kë -kan me 'gü -sü 'ka -nɛ koyiga -bha -ya dheguzë -bha -sü 'dhö. <sup>4</sup>'Këe dhegluzë -nu, 'kaa -dhetiidhe 'gü zlöö gbɔ; kö -kun 'ö -dhekpacyi bhë, 'ö -kan ka 'gü -nɛ -kɔ 'ö -kwaanme -yö -da -a 'ka me 'piö kɔɔ me tii -a 'dhö. <sup>5</sup>-Kɔ 'ö 'ka- -bha 'kpëedhö, ka -dhepuudhe 'gü 'në -nu 'ka; 'kwaa -dhetiidhe 'gü 'në -nu 'ka gbɔ. <sup>6</sup>-A -wun 'gü kwa -dua' 'yaa -mü kö 'kwa yi zë -nɛ me 'waa -nu 'ö 'wo to -an 'dhö. 'Këe kwa -zë, kwa -dua' -mü kö 'kwa -ya kwa 'yaan kö -zo -kë -de 'piö -sü -yö kë kwa -gɔ. <sup>7</sup>Gbeng -yi -nɛ 'ö me- yi zë; 'ö gbeng -yi -nɛ 'ö yɔ -yö me kun. <sup>8</sup>'Këe kwa -zë, kwa -dhepuudhe 'gü 'në -nu 'ka, kwa -dua' -mü kö 'kwa kwa -de 'kun 'wun -nu 'gü. Kwa -dua' -mü kö 'kwa -zo -yö -Zlan -bha -sü waa- -Zlan -dho -an kë kwa -bha -nɛ -piö 'bhei 'ö 'kwa- -da kwa -bha -nɛɛ 'dhasi 'ö dho -glu 'piö -a 'dhö.

Kwa -bha -zo -yö -Zlan -bha -sü -nɛ kwa -dho dha bhë, -yö kë kwa -gɔ -nɛ -piö -gblaa' 'dhö kö 'kwaan- -a -ya kwa -gɔ -bha 'pö. <sup>9</sup>'Ö tɔɔ -Zlan yaa kwa -dhe kö -a -bha -naazuëdhe -yaan wɔ kwa -ta; 'këe kö 'kwaan- dhasü yö -zian', -bɔ kwa Dëme Yesu Klito -ta -sü 'ka. <sup>10</sup>Bhii Yesu Klito -yö -ga kwa -wun 'gü, -yö kë 'dhö kö 'kö -kë -nɛ kwa -ga oo 'iin kwa -to kwa 'yaan oo, 'töng 'ö dho nu -a 'ka bhë kö kwa -nu 'kwa kë kwa 'ko -bhaa -toëpö 'ka.

<sup>11</sup>-A -kë 'dhö -sü 'gü, -ka ka 'ko -nu -faan' 'më, 'ka ka 'ko -nu 'yëngg -dhuë' -nɛ -kɔ 'ö 'ka- kë -na -a 'ka bhë -a 'dhö!

### -Dhio -kaanta 'ö dɔ Tesalōnikō -mɛ -nu -dhë waa- -wekadhe

<sup>12</sup>Dhegluzë -nu, yi- -dhe ka -gɔ kö -Zlan -bha me -nu 'wo yuö kë -sü 'gü ka ziën 'ma bhë, 'ka -an -bhlë -ya. Mɛ -nu 'wo bhë kwa Dëme -yö -an

-sü kö -wo ka -da -Zlan -bha zian -ta, 'iin kö -wo ka -daan -Zlan -wo 'ka.  
 13 Mε -nu 'wo bhë, -an =bhlë -yö kē ka 'gü -kɔ 'plε -ta; -an -dho -yö ka kē  
 -va -Zlan -bha yuö -nu 'ö 'wo- kē -na ka ziën 'ma bhë -a -wun 'gü. -Ka  
 -tosiadhe kē =zuöyagluu 'ka ka 'ko -nu 'piö!

14 Yi -bhea ka -dhë, dhegluzë -nu, kö 'ka 'fiamε -nu -zo -büö! Mε -nu 'ö  
 'wo 'suö -sü, -ka -an -zo -gban; mε -nu 'ö 'wo 'tëëtë 'güdandhe -nu 'gü bhë,  
 'ka nu -an -dhë! Ka =zuö' -yö kē -saa mε 'plε 'piö! 15 -Ka ka -de 'kun -së! Kö  
 -kun 'ö mε -yö 'wun yaa 'pë bho 'wun yaa 'ka; 'kεε -ka 'wun -së -kē ka 'ko  
 -nu -dhë -sü 'iin mε 'plε -dhë -sü =mεε' -kö -yö kē ka -gɔ 'töng 'saadhö 'ka!

16-18 Pë -nu 'ö -Zlan -ya -dhe ka -gɔ ka -bha -tosiadhe 'ö Yesu Klito 'piö -a  
 'gü 'ö tɔɔ: Ka =zuö' 'glu -yö dhi -kplawo! -Ka -bhea -Zlan -dhë 'töng 'plε 'ka!  
 -Ka -Zlan zuö pö 'wun 'saadhö 'gü!

19 Kö -kun 'ka zian ta -Zuu 'slööslö këyuö -gɔ! 20 Kö -kun 'ka -wo 'ö -Zuu  
 'slööslö -yö bɔ mε -nu 'gü 'ö- pö 'ka- bho yunnng! 21 'Kεε -ka pë 'plε 'piö -ga  
 kö -a mε 'ö -së 'ka- 'sü ka -bha 'ka! 22 -Ka ka -zo kē ka -de 'piö 'wun yaa  
 =suu' -'saadhö -gɔ!

23 -Zlan 'ö =zuöyagluu nu mε -dhë bhë, -yö -dhoë kē kö 'ka kē -a -bha 'ka  
 -kɔ 'plε -ta. -Yö -dho ka -lü -de -maa kē bhii ka -zuu 'dhö, ka nii 'dhö, waa-  
 ka bun 'dhö -yö -dho -an 'plε -maa kē. -Yö -dho ka kē 'slööslö. =Ya kē 'dhö  
 -dhuu gbe yaa 'dho to ka -bha 'yö yöë kwa Dëmε Yesu Klito nu 'töng -bha.  
 24 -Zlan 'ö ka -dhe kö 'ka ziö -a 'piö bhë, -zo -yö -a -bha -Zlan -mü. -Yö -dho  
 pë -nu 'wo bhë -an 'plε kē ka -dhë.

25 Dhegluzë -nu, -ka =bhea' -yi -wun 'gü! 26 Dhegluzë -nu 'kpekpe 'wo to,  
 'yië 'we -an 'ka =duö!

27 A -bhea ka -dhë kwa Dëmε 'tɔ 'gü, 'sëédhe 'ö =ne -kaa -wo pö dhegluzë  
 -nu 'kpekpe 'wo ka ziën 'ma bhë -an -dhë!

28 Kwa Dëmε Yesu Klito -yö 'dhuë- 'kpɔ ka -bha!